

ACARA PARTANGIANGAN WIJK
RABU 14 APRIL 2021.

1. Marende No. 11 : 1-2 “Aha ma endehononku”

- Aha ma endehononku asa pujionku Ho
Ale Tuhan Debatangku, sai urupi au gogo.
Ai ndang tarpajojor ahu asi ni roha di ahu
 - Sai sungguli ma rohangku mangendehon gogoMi
Dohot asi ni rohaMu ro di habasaranMi
Ai i do di hatindangkon tondi dohot pamatangku
Alani hupuji Ho, tung marribu hali do.

2. Agenda: A X.B 2 – D.VI.27.

3. Manjaha Epistel : Psalmen 106 : 1-5.

4. Marende No. 464 : 1-2 “Huboan ma diringku”

Huboan ma diringku, Tuhan hibul tu Ho.

Ai au do tinobusMu, umbaen tarbaen au ro.

Reff. Pagalak ma rohangku, dison managam au

TondiMi ma suru, na boi manggomgom au.

Ho sipalua ahu, sun hinagogoMi, HataM do huhaposi,

Na so boi muba i.

Reff. Pagalak ma rohangku.....

5. Jamita/renungan: Ulaonni Apostel. 3 : 12-19.

Mangolu dibagasan holong ni Debata.

Di buku ulaon ni Apostel on, ima na marisihon angka ulaon na pinatupa ni angka Apostel dung manaek tu banua ginjang Tuhan Jesus, tarlumobi dung hasasaor ni Tondi Parbadia, boi do berengonta disi angka ulaon na balga dohot angka tanda halongangan na pinatupa ni angka Apostel.

Di bindu 3 on, mamaritahon taringot tu barita pangulaon ni Ap. Petrus dohot si Johannes, di sada tingki (ari), rap borhat nasida nangkok tu bagas joro laho mandohoti partangiangan, di nalaho bongot nasida tu bagas joro i, jumpang nasida do sahalak na pangpang sian hatutubuna di jolo ni pintu ni bagas joro i mangidoido, ganup ari do na marsahit ditaruhon tu tusi, dipangido ma asiasi sian si Petrus didok ma tu na

pangpang i: anggo perak ndang adong di ahu, na adong di ahu hulehon tu ho;” marhitehite Goar ni Jesus Kristus na sian Nasaret i mardalani ma ho”, pintor malum do tongkin i sahitna i. Longang jala tarhalomong do sude angka na toropi marnida namasa i, tarpatupa Apostel i halongangan i, tangkas do didok si Petrus, ndada ala ni hagagoon dohot hadaulatonami umbahen mardalan halak on, alai ala ni hagagoon ni Tondi Parbadia do. Sian Jesus jala dibagsan goar ni Tuhan Jesus do huaso hamalumon ni na pangpang i.

Dilehon Jesus do huaso hagagoon tu angka siseanna/apostel pamamalumhon angka na marsahit (**Mateus 10:7-8**). Marnida natoropi dipangke si Petrus do tingki i laho pasahathon Barita Na uli, barita haluaon na sian Tuhan Jesus.

Mamungka dung dipasaor Tuhanta Jesus, Tondi parbadia tu angka sisean na parjoloi, mulai sian i ma hehe nasida manghatindangkon Jesus i, hombar tu parenta na pinasahat ni Jesus tu nasida di nalaho manaek Ibana tu banua ginjang; ai jaloonmuna do hagagoon ni Tondi Parbadia na songgop tu hamu, gabe sitindangingku ma hamu di Jerusalem dohot di sandok Judea dohot Samaria, sahat ro di ujung ni tano on. (Ul.Ap. 1 : 8).

Angka na ginohon ni Tondi Parbadia na ingkon tongtong do pasangaphon jala patimbulhon Goar ni Debata, ndang dirina dipasangap, jala ndang adong jumpang di ibana kesombongan rohani, ai olo do halak mangkilala songon na asing ibana sian angka donganna ala diboto ninna berbahasa roh. Tangkas do di paingot turpuk jamita on, angka na ginohan ni Tondi Parbadia i ma na pasangaphon Debata, jala dipataridahon ma marhite parange dohot ulaon na patuduhon ulaon partondion. Angka ulaon na denggan i ma na gabe panindangion tu angka na humaliang, gabe marsangap ma goar ni Debata. Unang ma nian jumpang parange na mangulahon na so tama dingoluna, unang be mangolu hita dibagasan di bagasan haholomon manang pangalaho na buru (na roa) ai na paleahon Debata do molo songon i, alai imbaru ma

roha nang pingkiranta laho mangulahon angka ulaon na hinalomohon ni Jesus sihongkop jala sipalua hita.

Tangkas do dipabotohon si Petrus, ia Jesus i ima naposo ni Debata na tigor jala na badia na mangalehon ngolu jala Ibana do Sipalua hajolmaon. Jala dipaingot si Petrus do angka na tumangihon jamitana, angka na naeng manjanghon Barita Nauli, asa olo paubahon rohana sian hadosaonna, songoni do nang hita ai marhite na manda dosa do gabe adong ma sangkap laho laho paubahon roha, ndang mian be di bagasan angka dosa.

Haporseaon tu Jesus Kristus mamboan hamalumon tu hita na hinopkopna, songon hamalumon ni na pangpang i. Ala asi dohot holong ni roha ni Debata gabe mangolu hita.

Antong molo holong ni Debata do na panguluhon hita, patut ma nian hita mangolu dibagasan holongNai, unang ma ngolunta on tabahen mangulahon angka naroa, ai arga do hita di ditobus, jala arga do hangoluan na nilehon ni Tuhanta tu hita, alni i arga ma tabahen pangho[phoponnaNa i.

Tapangke ma tingki di ngoluntaon pasangaphon Debata jala marparange mahita huhut mangulahon nasa na hinalomohon ni Debata salelenga di ngolunta. Amen.

6. Marende No. 691 : 1 “O Jesus Tuhan nami i”

O Jesus Tuhan nami i, sondangi rohangki.

Lao salpu do na bernit i, dung bongot sodangMi

Na roa nang na bernit pe, na lao do sasude,

Tiur tongtong do langkangki dung bongot Ho tusi.

Ale Tuhan, sai tatap ma asi rohaM sondangi ma,

Sai pujionku basaMi na sumarihon ngolungki.

7. Tangiang sian na ro :

8. Marende No. 695 : 1-2 “Jesus Tuhanku di Ho ma au on”

(Papungu Pelean)

- ❖ Jesus Tuhanku di Ho ma au on, asa mangihut tu Ho au tongtong
Gohi rohangku ingani au on. Sonang di Ho tongtong.

O Tuhan togu ma au, o Tuhan togutogu ma au.

Gohi rohangku ingani au on sonang di Ho tongtong.

❖ Mansai godang pardangolanki, tagan so Jesus dope tohaphi.

Disesa Jesus sude dosangki, gok dame rohangki.

Asi rohaNa di au tongtong asi rohaNa di au

Disesa Jesus sude dosangki, gok dame rohangki.

9. Tangiang pelean.... Ale Amanami.... Amen-amen-amen

Parjamita : Gr. H.S. Hutahaean

Paragenda : St. M. Nainggolan